

國立北門高級中學115年

語文競賽臺灣台語朗讀

高二組 5 篇

01 犬將軍大戰鼠大王

螺仔

便若暗頓食飽，逐家就四散去做家己的代誌：阿兄勾入去房間耍電動；阿母麗佇膨椅咧扣手機仔。啊若阮兜彼隻好命狗——Mè-tsiàng，食飽就跣起去阿姊的眠床頂摔大眠，無親像我遐可憐著，就愛鬱佇冊桌仔佢數學宿題掉拚。

彼暗我共宿題寫好，欲去灶跤斟茶，經過阿姊的房間，煞看著阿母佢 Mè-tsiàng 佇遐咧掉龜弄甕。Mè-tsiàng 共阿姊的房間鼻透透，先躡入去桌仔跤閣鑽入去眠床跤，蹓過去衫仔櫥閣幹過來冊櫥仔邊。鼻過一輾閣一輾，尾仔就倚跔冊櫥仔頭前砣砣 hinn，袂輸冊櫥仔內底有伊上愛食的肉咧。

阿母毋捌看過 Mè-tsiàng 遮激動著，就綴伊巡過來、看過去，煞啥物都揣無。看著我來，就緊叫我鬥揣。是講，啊是欲揣啥啥？

阿母講伊心內懷疑，敢會是鳥鼠？「阿母啊，咱若真正揣著鳥鼠，你欲按怎掠？」阿母講若揣著才來拍算。

我心內膽膽，手那掣那用手電仔炤櫥仔跤佢櫥仔縫。我共櫥仔門開開，Mè-tsiàng 一粒頭就直直搯，閣用跤想欲共櫥仔底的物件抓開。這時一个鳥影雄雄跳出來，鳥鼠連鞭從過去眠床頭、連鞭躡入去眠床跤，閣蹓起來冊桌仔頂，

無佻久就跳起去窗仔簾，想欲對窗仔門遐揣路出去，繼落來，閣蹓翻頭走轉來冊櫥仔頂，覘佇遐怦怦喘、必必掣，目睷掠阮金金相。

毋但鳥鼠心肝必嘆惱，阿母佢我嘛驚甲半小死。冊櫥仔遐爾懸，阮掠伊袂著嘛拍伊袂著，今這馬欲按怎？

阿母堪一下仔爾爾，速速決定欲用趕的。阮安排一條欲予鳥鼠逃命的路線，看伊會當對後尾門走出去袂。聽候我共紙枋隔好勢，阿母就擲掃帚損冊櫥仔頂，鳥鼠隨跳落來，一目瞞仔就對後尾門從出去，走甲無看見影矣。Mè-tsiàng 跤手猛掠沿路逐，確保彼隻鳥鼠驚破膽，後擺毋敢閣踏入阮兜一跤步。

阿母那共阿姊的房間消毒那呵咾 Mè-tsiàng，講伊是犬將軍，今仔日大戰鼠大王有功，該當賞一塊肉。「阿母，我嘛有鬥相共呢！」「你喔，封你做副將軍，賞你一杯涼的！」「阿母，我嘛欲食肉啦，敢會當賞我一塊牛排？」

02 上芳的臭油煙味

陳誼庭

「全款是排骨飯乎？」著！來！一千箍予你找。」啊你欲用一張共我換遮爾濟張喔，按呢阮食虧呢！」逐擺若來到阮兜的便當店，總是會當聽著阿公和人客那講那滾耍笑的聲。對我來講，阮兜咧賣的毋但是便當，閣較濟的是滿滿的人情味。

會記得細漢的時，逐工放學轉到店裡，攞會看著阿媽倚佇爐仔頭前，共一塊一塊的排骨恰一肢一肢的雞腿圓落去糲。無一時仔久，鹹芳仔鹹芳的油煙味就衝到規間店的每一角勢。若是挂好有外送，閣加上店裡的散客，便當定定會濟甲窒窒湊。阿公、阿媽若是做袂去，就會叫我鬥做，毋過彼當時我定定攞會偷偷仔走去覘，因為我真正足討厭彼逐擺便當做了規身軀的臭油煙味，對頭到跤無一搭逃閃會過。想著就感覺黏黏糊糊，足癩癢的。

毋過從讀國中開始，因為放學了後愛補習，後來有足久一段時間攞無閣去店裡鬥相共，嘛足久攞無閣看著阿公、阿媽。一直到高中，挂好考著店裡附近的學校，才予我有機會會當三不五時去店裡揣阿公、阿媽開講，順絀共個鬥做。

有一擺店裡人客干焦一、兩個爾爾，阿媽就講：「我家

己來就會使啦！」我就踫邊仔坐咧看，才雄雄發覺著，阿媽的尻脊骹毋知底時變甲曲痾曲痾矣，行路嘛變真慢矣。彼時我才知影伊的身體早就已經無較早遐猛掠矣，毋過伊和阿公定定共我講：「若準阿公、阿媽閣有法度做，就會一直做，家己賣的才知影食落去的是啥，對身體較好。」

這馬我已經大漢矣，嘛開始了解原來彼个我細漢上棄嫌的臭油煙味，是阿公、阿媽為著阮遮的囡孫用心經營的「愛」，而且鼻一擺就減一擺，所以這馬我若是有閒就會定定去店裡鬥做。逐擺鼻著彼个油煙味，就感覺足安心、足幸福的。他是阿公恰阿媽用雙手、用心，一點一滴所粒積的幸福。雖然有一日這個上芳的臭油煙味會散去，毋過個的愛會永遠留佇阮的心肝底。

03 我嘛欲抗議

許忠和

這幾工天氣誠秋清，看著恁挨挨陣陣相招來遮迤迤，規片海墘攏聽會著恁樂暢的笑聲，阮嘛綴咧起毛娣。若是阮海龜會當予恁共心內的鬱卒、煩惱攏擲捋，我嘛會感覺阮是咧做功德。

是講有一寡代誌，我若無出來抗議，共恁黜臭一下，恁凡勢毋知影阮的鬱卒，三不五時閣來舞一寡奇奇怪怪的齣頭，共恁的快樂建立佇阮的痛苦頂懸，按呢咱鬥陣恐驚是袂久長。一寡代誌咱拆白來講，逐家才會互相了解、互相體諒，日後照品照行，做伙鬥陣毋才會久久長長。

頭起先，阮海龜家族會當受著恁的疼惜恰意愛，實在誠榮幸，多謝逐家無棄嫌，共阮當做恁的好朋友，不時來遮行踏、相揣。毋管恁欲翕相、攝影的時，是共阮當做恁鬥陣的朋友，抑是單純做恁的背景，阮攏誠歡迎。

繼落來，拜託恁來看阮的時，請毋通起跤動手。雖然阮的漢草看著誠粗勇，毋過阮較閉思，恁傷過熱情的動作會共阮嚇驚著。恁千萬毋通看阮無泗倚去恁的身軀邊就跤來手來，硬欲共阮掠牢咧，甚至是手傷賤，刁故意共阮創治、欺負，閣佇阮的龜殼頂懸烏白皂。

閣再講，阮海龜誠清氣相，對倚家環境的要求生本就

較龜毛。恁人類繼手遺佇海裡的糞埽濟甲若山，透明通光的塑膠橐仔閣和阮愛食的蛇欲全欲全，害阮若無斟酌共看分明，就會無細膩共吞落去，按呢哺袂幼，嘛無法度消化，連鞭胃腸就出問題，嘛會礙著阮的健康，害阮消瘦落肉。恁閣會共討海掠魚的網仔、索仔烏白抨，害阮泗甲半路無張持就去予網仔纏牢咧，無法度出跤手。嚴重的時閣會纏佇網仔底，煞袂當脫身起去海面喘氣，就按呢予恁害一下愛去天頂做仙。

最後，阮嘛愛共恁提醒，早前清氣的海沙埔，因為恁過度開發，這馬變甲垃圾哩囉；人為的聲音攪吵、四箍輾轉的光害，攏會害阮海龜毋敢上岸放卵。拜託恁愛保護環境，毋通害阮佇地球絕種，按呢恁的囡孫仔日後毋才有機會通恰阮海龜繼續交陪。勞力啥！

04 特別的畢業禮物

楊喆希¹

鳳凰花開矣，又閣是畢業的季節囉！阮學校真用心，逐冬擺會舉辦畢業生講座，邀請無仝領域的人來分享工課場的鹹酸苦澀，予阮遮的食飯埕中央的囡仔，會當提早了解百工百業的狀況。以早捌邀請過奧運的運動員、世界知名的音樂家佻馬戲團的表演人員來學校。這是學校用心安排，欲送予畢業生的禮物，嘛是阮上期待的活動。

今年輪著阮畢業，逐个人都誠好奇今年會邀請啥物人？我臆是上衝的線頂直播主，有人臆是上嬌的野球啦啦隊²隊員，落尾學校宣佈今年的講師是「櫻桃丸仔」的配音員——林凱鈴小姐。逐家對配音員這項頭路有淡薄仔生疏，毋過嘛予人感覺真好奇，這到底是啥物款的工課咧？

演講拄開始，講師用真濟 bàng-gà 角色的聲音佻阮相借問，予逐家臆看這是佻一个人物的聲音？有大籬閣粗腰的老阿媽、有緣投少年兄的忍者，當然嘛有古錐伶俐的少女——丸仔。同學感覺真新奇，想袂到有男有女、有老有幼的角色，竟然攏是仝一个配音員所發出來的聲音，阮已經等袂赴想欲知影配音員這項頭路的内容矣。

繼落來，伊講欲做配音員，除了聲音愛好聽、發音咬字愛正確，閣愛學習體會生活中的各種心情，親像佻同學

冤家受氣、提著生日禮物有佻歡喜，抑是考試考糗有佻失望。因為情緒無仝，講話的聲音自然有精差，會使講是聲音的表情，佇配音的世界，這就是變化多端的「聲情」。

後來伊問逐家：「有人欲上台挑戰無？」我就趕緊擰手。我學一个司奶閣勢張的囡仔聲講：「人昨暝睏無飽，無愛去讀冊啦！」台仔跤的同學笑甲反過去，講師和同學攏呵咾我的表演實在真趣味。感謝學校的安排，毋但恁阮認捌配音員這個行業，嘛予阮知影愛珍惜人生每一个重要的時刻。

人講：「人生親像一齣戲，有時歡喜嘛有時喉湏。」雖然同窗鬥陣遮濟冬咧欲分開矣，毋過校園生活的大細項代誌，攏是我難忘的記持，這改的畢業講座就是阮上特別的畢業禮物。

¹楊喆(Thiat)希

²啦啦隊(la-la-tuī/lá-lá-tuī)

05 辦一个嬌夢

張苡薰

「各位好朋友逐家勢早，逐家好，食飽無煩惱，我是今仔日的主持人——阿薰。」

會當倚佇台仔頂用端的、滑溜、繼拍、好聽閣袂跳針的臺灣台語恰台仔跤烏 khâm-khâm 的觀眾請安、相借問，已經成做我的註冊商標。定定有同窗的問我：「是按怎有才調倚佇台仔頂，閣會當遐爾大範在膽咧？」講來話頭長，這種功力當然毋是三兩下手就做有路來的。無講你毋知，舊年三月，我才有學習做主持人的機會。會記得學期拄開始無幾工，阮導的雄雄問我：「學校校慶的暗會，欲揣一个會曉講臺灣台語的主持人，你欲試看覓咧無？」

講臺灣台語無問題，做主持人我敢有才調？我個性遮爾閉思，敢有法度佇台頂講甲喙角專泡？毋過未來有機會通坐佇主播台報臺灣台語新聞是我上大的向望。恰我褲帶結相黏的好朋友嘛共我鼓勵：「閣有幾個月的時間通好練，練久就會熟手。」好啦！恰伊拚啦！就按呢共這個無可能的任務允落來。

拄開始我先去網路揣『YouTube』的影片來參考，看人是按怎主持暗會的，閣不時共厝內序大人掠來做觀眾，練予個看，請個予我意見。我真綿爛，對鏡練喙水、練表

情，一切攏是為著欲佇暗會有精彩的表現。

不而過代誌毋是戇人所想的遐爾簡單，咬字發音、內容鋪排、恰觀眾互動愛趣味……遮的鉅角就親像走馬燈，不時佇頭殼內轉楚。過程中，想欲激五仁煞一點仔都無好笑，稿按怎背就是記袂牢，肢體語言硬迸迸，面仔看著無自然閣懊嘟嘟，就準講拚勢練，猶原捎無搥頭，看袂著效果。是講，我知影袂使失志、袂當放棄，所以喙齒根咬咧，我愛堅持到底。

暗會彼暝，嘛是我頭一擺擲 mòi-khù¹，緊張甲手必必掣、心肝頭嘆嘆惱，清汗閣直直拚。毋過因為有一擺閣一擺的練習，我愈講愈順，現場的氣氛嘛真鬧熱呢。台仔跤的同學、老師、家長恰來賓攏呵咾甲。

人講：「有夢上嬌，希望相隨。」骨力、認真就會出頭天。我成功踏出頭一步，未來的路我會繼續拍拚。

¹閣唸做 mòi-kù